

Srednja muzička škola Sarajevo
Sarajevo, 24. 05. 2018.godine

ORGANIZACIJA PRIJEMNOG ISPITA ZA ŠK. 2018/19. GOD.

PRIJEMNI / eliminatorni ispiti za kandidate koji konkurišu na sve upisne programe Srednje muzičke škole Sarajevo će se održati prije Online upisa u srednje škole KS u slijedećim terminima:

SMJER	DATUM ISPITA
SOLISTIČKI SMJER – svi instrumenti	22. 06. 2018. godine u 11:00 sati Glavni predmet *** – instrument 25. 06. 2018. godine u 11:00 sati Solfeggio sa teorijom muzike
SOLISTIČKI SMJER – solo pjevanje	22. 06. 2018. godine u 11:00 sati Glavni predmet - solo pjevanje 22. 06. 2018. godine u 13:00 sati Solfeggio sa teorijom muzike
MUZIČAR OPĆEG SMJERA	22. 06. 2018. godine u 11:00 sati Solfeggio sa teorijom muzike

*** **PREPORUKA ZA KANDIDATE:** U koliko su zainteresovani, kandidati mogu ispuniti prijave za oba smjera, u slučaju ako se za određeni instrumentalni smjer prijavi više kandidata od planiranog broja ili kandidat ne položi prijemni ispit.

NAČIN OCJENJIVANJA I VREDNOVANJA PRIJEMNOG ISPITA

Stručni prijemni ispit na svim odsjecima polaže se pred tročlanom ispitnom komisijom koju imenuje Nastavničko vijeće. Ispitna komisija za zanimanja muzičar solista se bira za svaki instrument pojedinačno ili za grupu srodnih instrumenata gdje je ispitivač nastavnik glavnog predmeta - instrumenta. Članovi ispitne komisiju za zanimanje muzičar općeg smjera (MOS) su nastavnici stručnih teorijskih predmeta. Ispitna komisija se imenuje i za balet, a ispitivač je nastavnik baleta Škole.

1.Kandidati koji konkurišu na upisni program za zanimanje muzičar solista

Program instrumentalnog dijela ispita se boduje sa maksimalnih 40 bodova:

- Ocjena odličan (5) – 40 bodova ; Ocjena vrlo dobar (4) – 30 bodova ;
- Ocjena dobar (3) - 20 bodova; Ocjena dovoljan (2) – 10 bodova.

Kandidat nije položio prijemni ispit ukoliko dobije ocjenu nedovoljan (1).

Solfeggio i Muzička teorija se boduje sa maksimalnih 10 bodova:

- Ocjena odličan (5) – vrednuje se sa 10 bodova,
- Ocjena vrlo dobar (4) - 8 bodova,
- Ocjena dobar (3) - 6 bodova,
- Ocjena dovoljan (2) - 3 boda.

Kandidat nije položio prijemni ispit ukoliko dobije ocjenu nedovoljan (1).

Maksimalan broj bodova koje kandidat može ostvariti na cjelokupnom prijemnom ispitu je 50.

2.Kandidati koji konkurišu na upisni program za zanimanje muzičar općeg smjera i zanimanja za koja nije uvijet završena osnovna muzička škola

Stručni ispit iz nastavnog programa Solfeggio i Muzička teorija se boduje:

- Ocjena odličan (5) - 40 bodova,
- Ocjena vrlo dobar (4) - 30 bodova,
- Ocjena dobar (3) - 20 bodova,
- Ocjena dovoljan (2) - 10 bodova.

Ocjena prijemnog ispita, odnosno broj bodova za stručna zvanja muzičar općeg smjera i muzičar pjevač se utvrđuje prosjekom ocjena od dovoljan (2) do odličan (5) dobijenih iz kategorija: solfeggio, muzička teorija, sluh, memorija i ritam. **Učenik nije položio prijemni ispit ukoliko iz bilo koje kategorije cjelokupnog ispita dobije ocjenu nedovoljan (1).**

ORGANIZACIJA PRIPREMNE / INSTRUKTIVNE NASTAVE

Za sve zainteresirane kandidate Srednja muzička škola Sarajevo je organizirala **pripremnu / instruktivnu nastavu** iz nastavnih predmeta koji se polažu na eliminatornom prijemnom ispitu. Pripremna / instruktivna nastava ima za cilj da kandidatima omogući konkretnije upoznavanje sa specifičnostima i zahtjevima nastavnih programa i zahtjeva prijemnog ispita, načinom rada, te uvid u vlastite sklonosti, sposobnosti i profesionalno opredjeljenje kandidata. Pohadjanje pripremne nastave nije uvijet i ne utiče na rezultate prijemnog ispita.

Programi pripremne / instruktivne nastave su:

- **Solfeggio i Muzička teorija**- za kandidate koji konkurišu na upisne programe solističkog smjera i muzičara općeg smjera.
- **Individualna nastava** - za sve instrumentalne programe solističkog smjera i solo pjevanja.

ARTIKULACIJA PRIPREMNE / INSTRUKTIVNE NASTAVE U PERIODU OD 04. 06. 2018.- 18. 06. 2018.

Od 04. 06.- 18. 06. 2018. godine- Individualna pripremna / instruktivna nastava za solistički smjer uključuje ukupno **10 školskih časova od 45 min.** (10 časova instrumenta organiziranih kao dvočas) sa satnicom u dogovoru kandidata i nastavnika

Od 11. 06. – 18. 06. 2018. godine – stručni nastavni predmeti Solfeggio i Muzička teorija za SVE upisne programe-smjerove, (5 časova nastavnog predmeta Solfeggio i 5 časova Muzičke teorije, - ukupno 10 časova.) u terminima koji će blagovremeno biti objavljeni na web stranici škole i oglasnoj tabli škole.

PARTICIPACIJA TROŠKOVA REALIZACIJE PRIPREMNE / INSTRUKTIVNE NASTAVE

Pripremnu / instruktivnu stručnu nastavu participiraju zainteresovani kandidati i nije obavezna.

Iznos participacije po upisnim programima:

- **Solistički smjer – 20 časova;** 200 KM (dvijestotine konvertibilnih maraka)- **10** časova individualne nastave i **10** časova nastave iz stručnih predmeta Solfeggio i Muzička teorija.
NAPOMENA: pripremna / instruktivna nastava za solistički smjer isključivo podrazumjeva pohađanje sva tri predmeta i nije moguć samostalni odabir jednog od nastavnih predmeta
- **Muzičar općeg smjera – 10** časova; 80 KM (osamdeset konvertibilnih maraka) – 5 časova nastave iz stručnog predmeta Solfeggio i 5 časova- Muzička teorija.

Zainteresirani kandidati za pripremnu / instruktivnu nastavu mogu se prijaviti u periodu od 27. 05. 2018. do 04. 06. 2018. godine u sekretarijatu škole od 10:00 do 12:00 sati. Pri čemu će dobiti obrazac za prijavu i informacije o načinu participacije.

Sve potrebne informacije vezano za pripremnu / instruktivnu nastavu / prijemni ispit i plan upisa moći će se pronaći na web stranici škole www.muzickasa.edu.ba , e-mail: musicsch@bih.net.ba, kao i putem telefona na broj: 033 441 958 ili 033 207 951 (fax).

S poštovanjem,

direktorica Srednje muzičke škole Sarajevo

Melita Čičić, prof.

